

TAKKUTINNGITSUNIK NALUNAARSUISARNEQ

Ilinniarteqarfiup takkutinngitsoortunik nalunaarsuisarnini ataavartumik ingerlatarisarpaa, taamaaliortarpoq ilinniartut unitsitsiinnarnissaat pinngitsoortinniarlugu aammalu saniatigut ilinniartut akunnerminni eqqummaarissumik peqatigiissinnaanissaat angujumallugu tamanna ingerlanneqartarluni. Nalunaarsuisarneq aammattaaq tassaavoq najuunnermik pimoorussinermillu qulakkeereqataaffiususaaq. Ilinniartut akunnerminni eqqummaarissumik peqatigiissinnaanerisa ilinniartup ilinniarfimmiiginnarnissaanik qulakkeerinnissinnaavoq, taamatuttaarlu ilinniartitsinermut peqataaneranut suliffimmilu misiliinermi pimoorussinissaanittaaq qulakkeerinnissinnaalluni. Taamaaliorneq ilinniartup ilinniakkaminik naammassinninnissaanik qulakkeerinnissinnaasoq upperilluinnarparput.

Takkutinngitsoortarnermut politikeqarnitta siunertai tassaapput:

- Takkutinngitsoortarnerit pinngitsoortinniarlugit
- Ilinniarteqarfinni ilinniarteq qitiusussanngorlugu kultooreqalersitsinissaq
- Ilinniartut ilinniarnermut peqataanissaannik ikorfartuisuussasq
- Ilinniartut ilinniakkaminik annertunerpaamik pissarsiaqarnissaat - ulluinnarni ilinniartinneqarnermikkut, soraarummeerfinni suliffimmilu misiliinerminni

Ilinniarnermut peqataanermi malittarisassat

Ilinniarnermut peqataaneq imatut isumaqarpoq:

- Ilinniakkamik ilisiarititsinermut takkulluni peqataanerit, sammisaqarnermi assigisaannilu
- Ilinniartitsinermut takkutiaartarnek piareersarluarsimasarnissarlu
- Ilinniartitsinissanut piareersariikkanut takkuttarneq - (S-tiimini) namminerisamik suliaqarneq aammalu virtuelimik ilinniartitsinermut peqataasarluni
- Ilinniartitsinermut inortuigaanni 50%-imik nalunaaqquttap akunnera atuartitsinermi ataatsimi ilanngaaffigittoqarsinnaasarpq
- Piffissaq eqqorlugu allattariarsornermi sulianik tunniussineq
- Ilinniartoq 30% sinnerlugit peqanngissimatillugu naliginnaasumik soraarummeertoqarsinnaaneq ajorpo.

Takkutinngitsoortarnermi majuarfigisuugassat

Takkuttarsimannginnermi procentit isumaqarput, faagit tamaasa akimorlugit ilinniarnernup iluani takkutinngitsoorfigisimasat tamaasa katinnerinni kisitsit inerniliussaasoq.

5%		Ilinniartitsisoq attavigisartakkap oqaloqatiginera	Ilinniartitsisup attavigisartakkap pinaveersaartitsinissaq pillugu ilinniartoq oqaloqatigisarpaa. Oqaatsitigut una mianersoqqussutaanngilaq oqaloqatigiinneruvorli.
10%		Pilersaarusiorneq Allakkatigut mianersoqqussut siulleq	Ilinniartitsisup attavigisartakkap studievejlederi attavigissavaa. Studievejlederip ilinniartitsinermik Aqutsisoq ilisimatissavaa, taannaassaarlul ilinniartumut allakkatigut mianersoqqussummik nassiussisuusussaq. Ilinniartup 10% angullugu peqanngittarsimanera pillugu studievejlederip tusarniaaffigissavaa, tunngavia suunersoq paasiniallugu. Taamaasioreernermi pilarsaarusiortoqassaaq. Sapaatip akunnera qaangiusimalerpat malitseqartitsilluni oqaloqatigiittoqassaaq.
20%		Allakkatigut mianersoqqussutip aappaa	Ilinniartitsisup attavigisartakkap studievejlederi nalunaarfigissavaa. Studievejlederip ilinniartitsinermik aqutsisoq kalerrissavaa, taassumallu allakkatigut mianersoqqussutip aappassaa ilinniartumut nassiutissavaa.
30%		Anisitaaneq	Ilinniartitsinermik aqutsisup ilinniartup anisitaasinnaassusaa nalilersussavaa, tamanna pisortaaup akuersissutigisussaavaa. Pisortap ilinniartup anisitaaneranik allagaqaat ilinniartumut nassiutissavaa.

Ilinniartitsisup attavigisartakkap iliuuserisassai

Ilinniartitsisut ilinniartitsisullu attavigisartakkat takkutinnngitsoortoqartillugu tamatigut allattuillutik nalunaarsuisassapput. Apequtissaqaraanni studievejlederit allaffiat ugguuna studievejleder@gbs.gl – ikkut attavigineqassapput – inussiarnersumillu qinnuigissavatsigit studievejlederi nammineq mailerisaatigut attavigissannginnakku.

Takkutinngitsoorsimasunik akuersisinnaaneq

Napparsimanerit sivikitsukullaat sapaatip akunneranik sivikinnermilluunniit sivilissuseqartut imaluunniit peqannginnerit, soorlu meerarisap atuarfiani meeqqerivianiluunniit ataatsimiigiarnerit, nakorsiaassinerit kigutilerisarfilaassinerilluunniit, meeqqap napparsimamera, kørekorti, takkutiaannginnerit tamakku tamavimmik takkussimanngitsutut nalunaarsorneqartarput. Takkussimannginneq akuerineqassappat ilinniartoq uppersaammik studievejleder@gbs.gl – imut nassiusissaaq. Ilinniartup peqannginnini Lectiokkut nassuiaateqarluni nalunaarsorsinnaatitaavaa.

Allaffissornikkut akisussaaffik

1. Tiimit ilinniartitsiviusimasut tamaasa katinnerisigut takkussimannginnerit kisinneqassapput tassuunalu takkussimannginnermi procenti nanineqassalluni
2. Ilinniartitsisup (timelærerinut aammalu ungasianiit ilinniartitsisunut atuuppoq) ilinniartitsinerup naammassinerani ilinniartut takkussimasut peqanngitsullu Lectiokkut nalunaarsortassavai
3. Sapaatit akunnikkaartumik ilinniartitsisup attavigisartakkap ilinniartup takkuttarnerata allanngoriartoratarsinnaanera malinnaaffigisassavaa
4. Ukiup ilinniarfiusup aallartinnerani studievejlederip ilinniartut ilinniarnermusiat pillugit, specialpædagogikstøtte pillugu takkuttannginnermilu malittarisassat pillugit paasissutissiissutigissavai
5. Ilinniartitsinermut Aqutsisup allakkatigut mianersoqqusiinerit ingerlatarivai
6. Studievejlederip tusarniaaneriit pilersaarusiernerillu ingerlatarivai
7. Ilinniartitsinermut Aqutsisup ilinniartumik anisitsisariaqarnerluni nalilersussavaa. Pisortaq kingorna anisitaasumut allagaqassaaq.

Takkuttannginnerup kisitsisai assigiinngitsut

5% angullugit takkussimanngikkaanni

Ilinniarteq 5% angullugu takkussimanngippat – peqanngiffigisimasat katinneri tamakkerlugit – ilinniartitsisup attavigisartakkaq ilinniarteq oqaloqatigissavaa. Oqaloqatigiinneq siunnersuineramik imaqartinneqartarpoq. Studievejlederi mailikkut 5% tikillugu peqanngissimasumik oqaloqatiginnittoqassasoq nalunaarfigineqassaaq tassani ilinniartup aqqa, klassea oqaloqatigiinnissamullu piffissaq nalunaarsoqqajumaarlutik. Studievejlederip kingorna tamanna Lectiomut ikkutissavaa.

Katillugit 10% angullugit takkussimanngikkaanni

Ilinniartitsisup attavigisartakkaq studievejlederi nalunaarfigissavaa. Studievejlederip ilinniartitsineramik Aqutsisoq paasitissavaa, taannalu allakkatigut mianersoqqussummik ilinniartumut nassiussissalluni. Studievejlederip ilinniarteq 10% angullugu peqanngittarsimanera pillugu tusarniaavigissavaa, suut tassunga patsisaanersut paasiniaarlugit. Taamaaliortoqareerpat pilersaarusiortoqassaaq. Sapaatip akunnerata missaa qaangiunnerani malitseqartitsisumik oqaloqatigiittoqaqqissaaq. Studievejlederip oqaloqatigiissimaner LECTIOKKUT nalunaarsussavaa. Ilinniartitsisup attavigisartakkaq studievejlederillu ilinniartup atugarissaarnera ilinniarnernanilu periusissiarineqartut pillugit ataatsimiillattaartassapput.

Studievejlederi makkuninnga suliaqassaaq:

- a. Ilinniarteq tusarniaavigisassallugu. Studievejlederip ilinniarteq LECTIOKKUT nalunaarfigissavaa, ilinniartitsisup attavigisartakkaq ilinniartitsineramilu Aqutsisoq aamma assinganik nassinneqassapput. Studievejlederip oqaloqatigiissimanerumut uppernarsaatit ilinniartunik tunngassuteqartunik allagaateqarfimmut – ESDH systemimut – toqqussavai LECTIOKKULLU nalunaarsuissalluni.
- b. Takkussimannginneq studievejlederimit akuersissutigineqassaaq, tamanna nakorsiarsimanerumut uppernarsaat imaluunniit peqanngissimanerup patsisaanik arlaannik uppernarsaammik peqartoqartillugu pisassaaq.
- c. Studievejlederip ilinniarteq pilersaarusioqatigiinnissaaq pillugu attavigissavaa. Ilinniartitsisup attavigisartakkaq aammalu ilinniartitsinerumut Aqutsisoq mailikkut pilersaarusiap assinganik nassinneqassapput. Studievejlederip ilinniarfiup ESDH systemianut ilinniartunut tunngassuteqartunik allagaateqarfimmut uppernarsaatit toqqussavai.

Katillugit **20% angullugit** takkussimanngikkaanni

Ilinniarteq aappassaaneertumik allakkatigut mianersoqqussummik tunineqassaaq. Ilinniartitsisup attavigisartakkap studievejlederi nalunaarfigissavaa. Studievejlederip Ilinniartitsinermik Aqutsisumut ingerlatitseqqiissaaq, taannalu allakkatigut mianersoqqussummik nassiusisuussalluni. Studievejlederip aappassaaneertumik allakkatigut mianersoqqusiisimaneq nalunaarsussavaa.

Ilinniarteq 20% sinnerlugit peqarsimanngippat ilinniartitsisup attavigisartakkap Ilinniartitsinermullu Aqutsisup qanimut tamanna malinnaaffigissavaat. Ilinniartumut pilersaarutaasimasooq sukumiisumik malinneqaqqissaassaaq, peqanngissimaneq 30% angunnginniassammagu.

Katillugit **30% angullugit** takkuttarsimanngikkaanni

Ilinniartitsinermut Aqutsisooq qaqugukkulluunniit malitseqartitsilluni aggersaasinnaatitaavoq, pilersaarusiaq allakkatigulluunniit isumaqatigiissutigisaq malinneqanngippat. Ilinniartup piumasariipagu studievejlederi peqataasinnaatitaavoq. Malitseqartitsilluni ataatsimiinerit Lectiokkut nalunaarsorneqartassapput.

Ilinniartumik anisitsineq aallartisarneqarsinnaavoq takkuttarsimannginnerit katinnerinni 30% anguneqarsimatillugu, pilersaarutigineqarsimasorlu malinneqarsimanngippat. Anisitsineq isumaqarpoq ilinniarteq ilinniarfeqarfimmit anisitaasoq.

Ilinniartitsinermik Aqutsisup anisitaanissamut ingerlatsinissaaq aallartisassavaa. Ilinniartitsinermik Aqutsisup anisitaanissamut allagaq pisortamit akuerisassanngorlugu piariissavaa, studievejlederilu assinganik nassinneqassalluni. Unitsitsinermik tunngavilersuut takkutinnngitsoortarnerup tunngaviinik qanorlu annertutigisumik peqanngissimanermik nassuiaatinik imaqassaaq.

Unitsitsilluni anisitsinissaaq malinneqarumappat, studievejlederi pisortatigoortumik ilinniartumut anisitsinissaaq pillugu tusarniaanermik imaqartumik allagaqassaaq, taanna allagaq ilinniartitsisup attavigineqartartumut, Ilinniartitsinermut Aqutsisumut skemaliortartumullu aamma nassiunneqassalluni.

Studievejlederip uppersaasaatit ilinniartut pillugit allagaateqarfianut ilinniarfiup ESDH systemianiittumut toqqussavai Lectiokkullu nalunaarusiussalluni. Aaliangiussaaq pillugu ilinniarteq sapaatit akunneri sisamat iluanni allagaqarnikkut malaarsinnaatitaavoq, maalaarut Ilinniartitaanermut Naalakkersuisusoqarfimmut nassiunneqassalluni.

- a. Ilinniartuq maalaaruteqanngippat Studieservice erngertumik nalunaarfigineqassaaq. Studieservicep ilinniartuq anisitaasimaneranik paasitissavaa IT-REG-ikkut MIT Perspektivikkullu sulerineranittaaq allannguisoqarneranik nalunaarsuissalluni.
- b. Ilinniartup anisitaanini pillugu maalaaruteqaruni Ilinniartitaanermut Naalakkersuisoqarfiup ilinniarfiup pisortaa attavigissavaa, tassannga **suliamik saqqummiussinissamut** suliaq aallartinneqassalluni, suliap ingerlasimanagera allaqqissaarneqassalluni aammalu ilinniartitsisumik attavigisartagaq, ilinniartitsisut aammalu allat paasissutissiisinnasut oqaaseqaatiliortinneqassallutik. Ilinniartup tusarniaavigineqarsimanerata uppersaataa aamma ikkunneqassalluni.
- c. Suliamik saqqummiussassaq ilanngussartalerlugu Ilinniartitaanermut Naalakkersuisoqarfimmut nassiunneqassaaq, taakku suliamik aaliangiisuussallutik. Suliamik saqqummiussaq ilanngussartalik ilinniarfiup ESDH systemianut pisortamit toqqorneqassaaq.
- d. Kingorna Ilinniartitaanermut Naalakkersuisoqarfimmit aaliangiussaq Studieservicemut erngertumik nalunaarutigineqassaaq. Aaliangiussaq anisitsineruppat Ilinniartitaanermut Naalakkersuisoqarfimmit ilinniartuq nalunaarfigineqassaaq. Studieservicep ilinniartup suneramik allannguutit IT-REGikkut MIT Perspektivikkullu nalunaarsussavai ilinniartitsisumillu attavik aammalu skemaliortartuq nalunaarfigissallugittaaq.

Ilinniartut immikkut pisariaqartitsisut

Ilinniartut peqquteqavillutik 10% sinnerlugu peqanngittartussat immikkut isiginiarneqartarput. Peqqutit soorlu makkuusinnaapput, sivisuumik ataavartumilluunniit nappaateqarnerit, imaluunniit tarnikkut timikkulluunniit piginnaasamikkut tamakkiisumik pisinnaanngitsut.

Studievejlederip ilinniarfiullu aqutsisuisa malittarisassat naapertorlugit aaliangertarpaat taamatut peqanngissinnaanermik pisinnaatitsissummik tunniussaqaarusunnerlutik. Peqanngittarnerup toqqammavia uppersarneqassaaq. Nakorsamit uppersaataasinnaavoq (ilinniartup nammineq akiligassarisa), kisianni aamma uppersaat nakorsaqaarfimmi sulisumit imaluunniit isumaginninnermi peqqinnissamilluunniit suliaqartumeersuusinnaalluni.

Ilinniartut qaffasissumik timersortartuugunik (nunanut allanut unammisartuullutik) ukiup ilinniarfiup nutaap aallartinnerani studievejlederimut uppersaammik tunniussissapput. Immikkut ilinniartitsinermik neqerooruteqartoqaqqusaanngilaq.

18-it inorlugit ukiullit: Ilinniartuq 18-it inorlugit ukioqarpat oqaloqatigineqassatillugu angajoqqaavi angajoqqaarsiaaluunniit paasitinneqassapput. Angajoqqaalli angajoqqaarsialluunniit ilinniartuutiminnik studievejlederimik oqaloqatiginnilernerani najuussinnaatitaapput.

SULINERMIK MISILIISUT TAKKUTINNGITSOORTARNERNUT SULINERMUT MISILIIFFINNUT ILITSERSUUT

Una takkutinnitsoortoqarsimatillugu ilitsersuut suliffimmik misiliitsisunoortuuvoq, namminneerlutik peqannginnermut ilitsersuuteqanngereersunoortuulluni, Suliffimmik misiliitsisunut misiliinerup aallartinnerani ilinniarfeqarfimmit takkutinnitsoortunut ilitsersuummik nassitsissapput. **Sulinermik misiliinermi aaqjissuussisartup** ilinniarfeqarfiup ilitsersuutaa nassiuttussaavaa.

Suliffimmik misiliiffigisap akisussaaffigivaa ilinniartup takkussimanerini nakkutiginnissalluni nalunaarsuissallunilu. Suliffimmik misiliitsisut ilinniartut suliffimmik misiliisut pillugit paasissutissanik attuumassuteqartunik Lectiokkut isertaateqartinneqassapput.

Takkuttannginneq pillugu oqaloqatiginnittarneq. Suliffimmik misiliitsisup ilinniartup takkuttannginnera pillugu ilinniartumik oqaloqateqarsinnaatitaapput ilaatigullu pisariaqarsorineqarpat mianersoqqussummik tunniussisinnaatitaallutik. Suliffimmik misiliitsisunullu piumasaqaataanngilaq ilinniarfeqarfiup 10% angullugu takkuttanngitsunik oqaloqatiginninnissaannut malittarisassarisaannik malinninnissaat.

30% angullugili takkutinnitsoortoqartarsimatillugu suliffimmik misiliitsisut pisussaaffeqarput ilinniarfeqarfimmut allakkatigut nalunaaruteqassallutik. Ilinniartitaanermut Aqutsisumut paasissutissanik nassiussisoqassaaq, taassumap uppersaasatit (suliffimmik misiliitsisup paasissutissiissutaa) ilinniartut pillugit allagaqaateqarfimmut ilinniarfiup ESDH systemianut toqqussavaa, Lectiomullu oqaasertalerlugu nalunaaruteqarluni. Ilinniartitsinermut Aqutsisup ilinniartitsisoq attavigisartagaq nalunaarfigissavaa.

Ilinniartitsinermut Aqutsisup ilinniartuq, sulineramik misiliitsisut ilinniarfillu (assigiinngitsut pingasut oqaloqatigiinnerat / treparts møde) ataatsimiinnissaannut aggersaasuussaaq alloriarnissap tullissaanik ujartuinissamut siunertaqartumik. Ilinniartup piumappagu studievejlederi najortitut atorsinnaatitaavaa.

Sulinermik misiliiffik periarfissaliissuteqarpoq ilinniartup suliffimmik misiliinissaannik isumaqatigiissutaa atorunnaarsissinnaassallugu, tamanna ilinniartup pisussaaffimminik eqquutitsinngiinnaavinneranik pissuteqarpat pisinnaalluni – uani aamma annertuumik takkutinngitsoortarsimanera peqqutaasinnaalluarluni. Atorunnaarsitsinissalli atuutilinnginnerani suliffimmik misliisitsisoq, ilinniarfeqarfik ilinniartorlu aaqqiissutissamik ujartuillutik pissutaanillu ujartuillutik oqaloqatigeereersimasariaqarput. Suliffimmik misiliinermi isumaqatigiissut atorunnaarsinneqarpat taava sulinermik misiliinerup unitsinneqarneranik nalunaarsuisoqassaaq aammalu ilinniartup sulerineranik allannguisoqassalluni. Ilinniartunik sullissivik skemaliortartorlu Ilinniartitaanermut Aqutsisumit nalunaarfigineqassapput.

Ilinniartup suliffeqarfiullu sulinermik misiliineq sivitsorsinnaatitavaat, ilinniartoq:

- Napparsimaneq pissutaalluni 10%-it sinnerlugit peqanngissimatillugu
- Naartuneq, meerartaarluni sulinnginneq meeravissiartaarsimanerluunniit pissutaallutik sulinngiffeqarsimappat
- Immikkuullarissumik patsiseqarluni sulisinnaassutsimigut apparsimappat

Sivitsuinerup peqanngissimanerup annertussusaanit sivisuneruppat tamanna ilinniarfeqarfiup pisortaanerata akuersissutigeqqaassavaa. Ilinniartoq misiliinerup nalaani qaammat ataaseq peqanngissimappat assigisaanik ullut amerlassusaat assigalugit sivitsuisoqassaaq. Tamanna pillugu soraarummeertussat allattorsimaffiannut paasisutissiissuteqarluni nalunaarsuisoqassaaq.